

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije Bosne i Hercegovine", broj: 15/05) i Plana povratka, obnove, gradnje i razvoja održivosti povratka za 2025. godinu, usvojen Zaključkom Vlade Federacije BiH, V. broj: 296/2025 od 13.03.2025. godine, Federalno ministarstvo raseljenih osoba i izbjeglica, objavljuje

Javni poziv za podršku očuvanju radnih mjesta i unapređenju uslova rada povratnika u 2025. godini

I - PREDMET JAVNOG POZIVA

Predmet javnog poziva je dodjela finansijskih sredstava za podršku očuvanju radnih mjesta i unapređenju uslova rada povratnika u poslovnim subjektima u privatnom vlasništvu, i to: mikro, malim i srednjim preduzećima, obrtima, komercijalnim poljoprivrednim gazdinstvima, zadrugama i zadružnim savezima, koji su prethodno aplicirali na Javni poziv za podršku očuvanju radnih mjesta i unapređenju uslova rada povratnika za 2024. godinu i **nalaze se na konačnoj listi potencijalnih korisnika sa ispunjenim općim kriterijima, za općine: Drvar, Glamoč, Bosanski Petrovac, Bosansko Grahovo, Dobretići i Odžak.**

II – CILJ JAVNOG POZIVA

Cilj javnog poziva je pružanje podrške očuvanju postojećih radnih mjesta za uposlene iz kategorije povratnika koji spadaju u manjinski zastupljene populacije, u skladu sa Aneksom VII, član 1. tačka 3. stav d) Općeg okvirnog sporazuma za mir u Bosni i Hercegovini, a prema posljednjem popisu stanovništva u Bosni i Hercegovini, radi podrške održivom povratku.

III – PRAVO UČEŠĆA

Pravo učešća imaju poslovni subjekti u privatnom vlasništvu, koji su prethodno aplicirali na Javni poziv za podršku očuvanju radnih mjesta i unapređenju uslova rada za 2024. godinu i nalaze se na listama potencijalnih korisnika sa ispunjenim općim kriterijima, u skladu sa Odlukom o utvrđivanju konačne liste potencijalnih korisnika broj: 03-32-3-60-1143-1/24 od 03.09.2024. godine, za općine: Drvar, Glamoč, Bosanski Petrovac, Bosansko Grahovo, Dobretići i Odžak (isključivo aplikanti koji prethodne godine nisu potpisali ugovor sa Ministarstvom).

IV – OGRANIČENJE UČEŠĆA

U ovom javnom pozivu ne mogu učestvovati javne institucije, ustanove i javna preduzeća, poslovni subjekti kojima su u 2024. godini, od strane Federalnog ministarstva raseljenih osoba i izbjeglica, odobrena sredstva po Javnom pozivu za podršku očuvanju radnih mjesta i unapređenju uslova rada povratnika, kao i oni koji u prethodnih 10 godina nisu ispunili ugovorene obaveze prema Federalnom ministarstvu raseljenih osoba i izbjeglica po ranijim javnim pozivima i programima.

V – OPĆI KRITERIJI I POTREBNA DOKUMENTACIJA

Prijava na Javni poziv se može odnositi maksimalno na isti broj radnika utvrđen na Odluci o utvrđivanju konačne liste potencijalnih korisnika broj: 03-32-3-60-1143-1/24 od 03.09.2024. godine, a aplikanti su prilikom prijave na Javni poziv obavezni dostaviti sljedeće:

1. Čitko popunjen, potpisan i ovjeren pečatom aplikanta prijavni obrazac, koji je dostupan na internet stranici Ministarstva <https://fmroi.gov.ba/> ili se može preuzeti lično u Ministarstvu, na adresi Hamdije Čemerlića br. 2., Sarajevo;
2. Lista osiguranih uposlenika kod aplikanta na dan objave ovog javnog poziva izdata od nadležne Poreske uprave (original ili ovjerena kopija od strane nadležnog organa ne starija od 30 dana).
Napomena: u slučaju promjena koje su se desile nakon podnošenja prijave u 2024. godini, po pitanju uposlenih radnika/povratnika, promjene poslovne banke ili eventualnih izmjena koje se tiču registracije poslovnog subjekta, aplikanti su obavezni dostaviti i dodatnu dokumentaciju kojom će dokazati nastale promjene.

VI – FINANSIJSKA SREDSTVA

Odobrena sredstva po jednom uposlenom povratniku mogu iznositi maksimalno do 1.100,00 KM.

Ukupan iznos planiranih sredstava za realizaciju ovog javnog poziva je do 1.000.000,00 KM.

Sredstva po ovom javnom pozivu će se korisnicima doznačiti jednokratno nakon potpisivanja ugovora o namjenskom korištenju sredstava, na transakcijski račun korisnika.

VII – OBAVEZE KORISNIKA

Korisnici sredstava, sa kojima bude zaključen ugovor o namjenskom korištenju budžetskih sredstava, se obavezuju:

- Da uposlenim povratnicima za koje dobiju sredstva, isplate najmanje 10% od doznačenih sredstava po uposleniku (neto iznos) kao dodatni prihod, pored plate i naknada po osnovu rada;
- Da sredstva utroše namjenski u razvoj poslovanja, i to za nabavku stalnih sredstava te proširenje i/ili adaptaciju poslovnih prostorija.
- Korisnik može do 5% od ukupnog iznosa pravdati kao troškove redovnog poslovanja (komunalni troškovi i/ili troškovi zakupa poslovnih prostorija).

VIII - NAČIN IZBORA KORISNIKA I POSEBNI KRITERIJI

Izbor korisnika po osnovu ovog javnog poziva vršit će posebna komisija koju imenuje federalni ministar raseljenih osoba i izbjeglica. Komisija će razmatrati prijave u skladu sa odredbama ovog javnog poziva i procedurama za izbor korisnika.

IX – ROK ZA PRIJAVE I NAČIN PODNOŠENJA PRIJAVA

Prijavni obrazac sa traženom dokumentacijom dostaviti lično ili poštom preporučeno, na adresu:

Federalno ministarstvo raseljenih osoba i izbjeglica

Hamdije Čemerlića 2

71000 Sarajevo

sa naznakom

“Prijava na Javni poziv za podršku očuvanju radnih mjesta povratnika – Federacija BiH”

(Na poleđini koverta navesti naziv podnosioca, adresu i kontakt telefon)

Rok za prijave je **09.05.2025. godine.**

X – INFORMACIJE O JAVNOM POZIVU

Dodatne informacije o javnom pozivu se mogu dobiti putem kontakt telefona: 033/294-139 i 033/294-140.

Prelimarna i konačna rang lista po ovom javnom pozivu će biti objavljene na internet stranici Federalnog ministarstva raseljenih osoba i izbjeglica <https://fmroi.gov.ba/>

Broj: 04-32-3-66-1/25

Sarajevo, 29.04.2025. godine

MINISTAR

Nerin Dizdar